

Muslim raltlânhai chun Isu-ah himna an hmuh: Kohranhai ripawt danin Europe-a Muslim raltlanhai Kristiena inlet an pung tiel tiel. Chanchinbu, The Guardian chun 2016 kum bul thla thum sung khan Austria-ah hming thleng dinga hnina 300 vel lai hin 70% chu raltlanhai ni dinga ring a nih. Tulai hnai el khan Berlin Trinity Church-a chun membar 150-a inthok 700 vang an tling tah. Iran le Afghanistan-a inthoka Muslim raltlan 80 vel chu Hamburg-ah Kristienah inletin baptisma an chang. Baptisma chang mi pakhat chun Islam sakhuo a'n phatsan leia chil an sak khum thu a hril a, "Hi sakhuo thara inthoka ka thil inchuk dok zarin anni hai chu ka ngaidam thei" tiin a hril. Kristiena an inletna san poimaw awma an hril hai chu sakhuo tharah an ringna, Islama zalenna um lo le Kristienhaiin raltlanhai an lo thrangpuina chung a lawmna a nih. Iran-mi raltlan, Shima chun, "Ka dam sung po poin thlamuongna le hlimna ka zong a, Islamah ka hmu nawh. Kristien ni hi ka ta ding chun hlimna a nih" tiin a puong. Mi dang pakhat, Solmaz khoma, "Islama chun tri zingin ei um a. Pathien tritna, suol tritna le hrem tritnain ei sip a, sienkhom Krista hi hmangaina Pathien a lo ni zing" tiin a hadam thu a puong. (Source: The Gospel Truth)

HMAR CHRISTIAN FELLOWSHIP DELHI

Thupui "Isu Krista ta dinga hring" (Filipi 1:21)

A hmum: Apostles Methodist Church, Sec- 4, RK Puram

10th Oct 2016 (Monday)

(1st session 2:00 – 4:30 pm)

Conductor: **Pastor Lalsiesang Zote**

2:00- 2:30pm: Worship and Prayer

2:30-4:00pm: Message

4:00-4:30pm: Tea Break

(2nd session 4:30-6:30 pm)

Conductor: **Rev Isaac**

4:30-5:00pm: Worship and Prayer

5:00-6:30pm: Message

3rd Session (6:30-9:30pm)

Conductor: **Rev Neilaia Darlong**

7:30-8:00pm: Worship and Prayer

8:00-9:30pm: Message

11th Oct 2016 (Tuesday)

(1st session 2:00 – 4:00 pm)

Conductor: **Pro-Pastor Zarzolian Infimate**

2:00- 2:30pm: Worship and Prayer

2:30-4:00pm: Message

4:00-4:30pm: Tea Break

(2nd session 4:30-6:30 pm)

Conductor: **Pastor Laltlanglien**

4:30-5:00pm: Worship and Prayer

5:00-6:30pm: Message

6:30-7:30pm: Dinner

3rd Session (6:30-9:30pm)

Conductor: **Pastor James Ruolngul**

7:30-8:00pm: Worship and Prayer

8:00-9:30pm: Message

12th Oct 2016 (Wednesday)

(1st session 2:00 – 4:00 pm)

Conductor: **Pastor Lalditsak Inbuon**

2:00- 2:30pm: Worship and Prayer

2:30-4:00pm: Message

4:00-4:30pm: Tea Break

(2nd session 4:30-6:30 pm)

Conductor: **Rev Roding Pulamte**

4:30-5:00pm: Worship and Prayer

5:00-6:30pm: Message

6:30-7:30pm: Dinner

3rd Session (6:30-9:30pm)

Conductor: **Upa Lalsiemlien Pulamte**

7:30-8:00pm: Worship and Prayer

8:00-9:30pm: Message



Hrepuitu

HMAR CHRISTIAN FELLOWSHIP DELHI

(Regd No:S/ND/599/2015)

EDITORIAL

IENG LEIA KRISTA TA DINGA HRING DING AM EI NA?

- Upa Lalsiemlien Pulamte

KRISTIEN KHAWVELA CHANCHIN LAWKRHAWM

i) Lung-in rongbawl na field-ah inchangtir

ii) Ui thiemhai bau khom Lalpa'n a suk chip

iii) Muslim raltlânhai chun Isu-ah himna an hmuh

SCIENCE LE TULAI KHAWVEL- LR Varte

HRIET TRULNA*

THUTIEMA NGIR*

A THEINGHIL THEI NAW*

PATHIEN CHU HMEL KHEM LO*

PATHIEN REM TI LO NASA TAK CHUH*

DIKNA*

RORENA DANGLAM LO*

KUNIN IN HMANGAI RO*

A VA MAK NGEI! *

CHUNGHNUNG TAK LUNGINSIETNA ZARAH*

*Selwyn Hughes a ziek "Everyday with Jesus" ("Nitín Isu leh")
anthawka sermon inlet. LRV

Hrepuitu

Hmar Christian Fellowship
Delhi

(Regd No: S/ND/599/2015)
Chanchinbu Thlakip Suok
Vol. 11. No. 9
(Sept - Oct 2016)

Editor
L. Robert Varte

Jt. Editor:
Upa Dr. Lalsiemlien Pulamte

Editorial Member:
Immanuel Khobung

Contributing editors:
Pastor Lalditsak Inbuon
Pastor Siesang Joute

Address:
Editor, Hrepuitu,
C/o 2/4. Block 2.
NMRH
Minto Road.
New Delhi - 110002
Mob: + 91-85888 - 06754

E mail:
hrepuitu@yahoo.com

Lakman:
Copy khat Rs. 20.00/-
Kum khat Rs. 200.00/-

Editorial:-

Pathien hi a kohran hai lai revival hung tir dingin phût lui thei a ni nawh a. Revival hi kohran haiin thil ei thaw tum ni lovin, Pathienin a kohran hai tadinga a thil thaw a ni lem hlak. Chuleichun a nih revival hi inchawk thei thil a ni nawh. Package-a thun thei a ni nawh. *Formula* siem pek thei a ni nawh. A *set*-a inchawk thei a ni nawh. A ngêna ngên suok lem ding a nih. Eini'n ei beisei hma chun revival hi hung naw nih. Pathien chu thil inthawlui tir thei a ni nawh. Anachu kohran haiin ei hriet ding chu hi hi a nih.

Pathienin a kohran hai hi revival harna nek hman khoma anni chu a kei har nuom lem a nih. A mi nghak zing a nih. 2 Kronikul 7:14-a chun "Ka hming puttu ka mihaiin inpha hnuoia ka kuomah an hung trongtrai a, an mi zong a, an um dan suolhai an nghatsan chun, vana inthokin lo ngaithlang ka ta, an suolhai ngaidam ka ta, an ram chu thawi dam nawk ka tih" tiin a'n ziek. Chuleiin, Pathienin a hmasa taka dingin inpha hnuoia/inngaitlawmna a beisei a nih. Chun Pathienin, mi, mani chapona a, ama le ama insung sipsa um chu a Thlarauin a sungsip thei nawh. Inngaitlawmna umzie tak chu ei sungrilah Pathien lungril suknatu thilhai chu a'n thielai tir vong phalna a nih.

Zamaw kai fiemthu i hril zât, annawleh i sum Pathien lakah i thup hmang zât, sumdawngna indiklo i thaw zât, mani hmasielna leia inkhawm i bansan zât, hieng huna hai hin Pathien Thlarau chun i lungrilah a hung inthiem naw che leia dingthrathruon hielin Ama hmaah ngaidam in hni nuom hlak di'm a nih?

Awleh, revival i beisei tak tak a ni chun, chuongang chun i thaw a ngai a nih.

CHUNGHNUNG TAK LUNGINSIETNA ZARAH

"Ringna leia lunginsietnaa sandam in ni si a, chu khom chu nangnia inthoka suok an naw a, Pathien thilpêk a nih" (v. 8)

Tiem ding le ngaituo zom dingin: Ephesi 2:1-10

Lunginsietna hriet thiem ding chun Pathien chungnungtak thuneina le inzomna nei a nih ti hi ei hriet a trul hmasa. Ziektu pakhatin a lo ziek angin, "Lunginsietna hi Pathien chungnungtak thil thaw lei a ni a, chu lunginsietna mizie reng khom hi thil a tlâwna pêkna a ni si," Chuleichun annawm lunginsietna hi thil thlâwnpêk anga ei hril hlak hi. Lunginsietna san a um naw a, lunginsietna a ni tlat leiin lunginsietna chu a ni el a nih.

Ka ringdan chun lunginsietna hrilna "Lunginsietna chu Pathien thilthlâwnpêk, phulohai chungah a thil pêk" ti bâk hin hi thumal hi hrilfie nâwk zûol dan umin ka ring nawh. Pathien leh ei inzomna lailung taka chun hi thudik hi a um a nih. Pathien hi hmalatu lem chu a nih. Eini'n ei hnai nekin ama'n a mi hung hnai lem a nih. A ditsakna khom ei hlawsuok thei

nawh. A poma ei pom top el a trul a nih. Hmalak reng reng ama tienga inthok vong a nih. Nang khom ama i pan hmasa tak khan a hîp che leia hung i nih. I ringna ngei khom kha nanga lei ni lovin hieng "Chu khom chu nangnia inthoka suok an naw a, Pathien thilpêk a nih" tia ziek ang hin a ni lem. Ringna kongah i kalchawina hai po po khom kha ama zar chauh a nih.

Tulai thrangtharhai lai chu hi inchûktirna hi an rilrem zawng a ni da'l thei. Asanchu, an theina hmangin vanram kai thei inringna an nei tlat a. Mi pakhatin mi sum nuoi sawm bat sien, poisa cheng nâwi tlâwmte pêka, a bat hai tlak tum ang vel ning a tih. Pathien thu hi ngaithla non nâwk rawh, i sungrilah inluttir la. "Ringna leia lunginsietnaa sandam in ni si a," Lunginsietna hi thilthlâwnpêk a nih. I hmu dawk thei an nawh, i pom top el lem a nih.

TRONGTAINA

Aw Pa, ka phu lei ni lovin i lunginsietna leiin nangma tieng nangin i mi kei a. Chuongchun kei khom nangma tieng pan thei dingin ka lungril hi lawmnan a sip non nâwk a nih. Ropuina le chawimawina po po chu i kuomah chatuonin kan hlan a nih. Amen.

Hrepuitu a article insuo hai a hin, ngaidân suklanga um(hai) hi HCF Delhi ngaidan a(n)ni chuong kher nawh. Ziektu tin mawphurna a ni lem. Pathien thu le artikul insuo nuom hai chun iengtiklai khawma editor hai e mail (hrepuitu@yahoo.com) kuoma thuziek hai chu pek thei zing a nih.

A VA MAK NGEI!

“Chuong ang bokin tulai khom hin lunginsietnaa thlang ang peiin pei thlak mahla chu an la um” (v. 5)

Tiem ding le ngaituo zom dingin: Rom 11:1-24

Lunginsietna kha la hei hril zom nawk ei tih. Welsh thuhrlitu, Illoin T. Jones chun lunginsietna hi Baibula a thumal lai po pova poimaw tak a nih tiin a hril a. Kei khoma ka pom. Amiruokchu hi laia ei hriet ding chu Pathienin ama le inzoma inlâichinna thratak nei bîk rieuha kuomah chauh a nih hi lunginsietna hi a pêk dok.

Baibulah khawlaia khom Pathien lunginsietna hi khawvel mipui le inzomin hril a um nawh, theology inchuk tam takhai chun ‘mi po po tadinga inang senga pêk lunginsietna’ an hmang hlak (hi chang khom hi Baibulah inziek a um nawh) - Pathienin khawvel mipuihai chu hi ‘inang senga pêk lunginsietna’ lei hin, mihriemhai chu an suol thei patawp anga suolna ding laka an kut keitu ang damin an hril a nih.

Nikhat ka lekha tiemnaa chun lekha ziektu pakhat chun van le arsi le iengkim el hai hi Pathien lunginsietna leia siem angin a ziek a. Kha lekha ziektu khan ‘lunginsietna’ chu ‘hmangaina’ leh

thuhmun anga ngai ni âwm takin a ziek a nih (hi hi Kristien lekhabu ziektuhai khoma an thawsuol rop hlak a nih). A dik taka chun, Pathien naupa, Isu Krista zarah Pathien lunginsietna chu Pathienin a lo hriet lâwk, danglam bik taka a thlanghai, ama le inlâichinna/inzomna neihai ta ding bik lieu a pêk a nih. Chuleitak chun a nih, ‘lunginsietna’ hi ‘zangaina’ annawleh ‘thratna’ haia inthok ei thilir hran a ngaina chu. Baibul chun “LALPA chu iengkim chungah khom a thra a nih; a lainatna chu a thil siem po po chungah a um a” tiin a’n ziek (Sam 145:9).

Arthur W Pink chun, “Lunginsietnaa inthok chauh hin a nih hiêng, thratna, hmangaina, sandamna, Pathien mihai tadinga a lungsuokna chu,” Lunginsietna hi inchâwk thei an nawh a, hlaw dok thei a ni bok nawh, phu leia hmuthei an ni bok nawh, pêk awm reng khom an nawh. Chuong ang nisien la chu lunginsietna a ni ta naw ding a nih. Lunginsietna hi thilthlâwnpêk thienghlim tak anga luong a ni a, mi hmangai tlâklohai chungah a tlâk leia ei mawina san lem chu a nih. A VA MAK NGEI!

TRONGTAINA

Aw Pa, a mak taluo. I hmangaina chu hung kurin kei, phullo, hrehmun fe ding misuol, mi tlak tlai lo, hieng lawma lunginsietna hi ka ngaituo suok phâk naw a nih. Sienkhom, ka pom a nih, chu leia sandam ka nih sih a. HALLELUIAH!

IENG LEIA KRISTA TA DINGA HRING DING AM EI NA?

Upa Lalsiemlien Pulamte

Tukum, HCFD crusade (10-12 October 2016) thupui “Krista ta dinga hring” hi ei lo ngaituo lawk a, crusade hlawk taka ei hmang beiseiin hi thu hi ka hung ziek a. Ka thu fepui dan ding chu: ei nina hmasa, bo letder ei ni thua tranin Pathien lunginsietna zâra sandamna lampui Isu Kristaah siempek ei ni thu le Pathien hmelmahai, hremhmuna intal tah dinghai

mi’n tlantu le Pathien nauah mi’n dintu, Isu Krista ta dinga hring naw chu ieng am thaw ding ei nei ta a ti a nih.

(a) Ei nina hmasa – bo letder le thi ei nih:

Naute, suol thawna châng le thaw dan ding an la hriet naw hun hin, “A va thra lawm lawm, a num an nem, suolna hrim hrim a nei hmel nawh” tiin ei lawm hlak. Naute ngaituonaa hin suol um thei ding le an hung lien pha khom suol thei dingin ei ngai nawh. Naupang a hung suol chun a seilienna insung dâm, khawtlang dâm le a ruol pawl hai dâm ei intum hlak. Sienkhom, Sam ziektu chun,

“Ka nu sunga ka’n sieng laiin,

Suolsa hrime von ka ni a,

Ngai ta, suol saa pieng ka nih” (Sam 51:5)

tiin a lo hril a. Chuleiin, ei pieng hma, nu sula ei um lai, suol ei thaw hmu ding la um naw sien khom suol ei lo ni zing tah a nih. Suol sa hrime pieng ei nih.

Suol hung phurluttu chu mihriem hmasa tak, Adam a nih. Suol hung lut le inruolin thina a hung lut a. Adamin a bawsiet anga suol ve lohai chungah khom, thina chun thu a nei a nih (Rom 5:14). Chuleiin, mi po poin thilsuol an thaw a, Pathien ropuina chang thei ta loin thina khom mi po po chungah a tlung a nih.

Juda ni sien, Grik nisien, suol bawiah ei um vong a, tu khom, pakhat bék khom mi fel tak hrim ei um nawh (Rom 3:9-10). Suol

khuop de mihriem hlui a la put lai khan ei châkna suolin ei taksaa sin thawin ei ra suok hlak a nih (Rom 7:5).

(b) Pathienah khaw eng a hung var:

Lal Davida'n

I hmangaina chuoi lo zârin,

Ka chungah zangai rawh, Pathien,

Zangaina I hau angin,

Ka bawsietnahai thai bo rawh.

Ka khawlonahai sawp fai la,

Suola inthok mi tleng fai rawh" (Sam 51:1-2)

tiin Pathien hmangaina le zangaina hnuoiah lut el naw chun a suol thuah thaw ding umin a hriet nawh.

Ei Pathien lunginsietna hin suol ngaidam le sawp fai zo lo a nei nawh. Tirko Paula khoma "Bawsietna chu a pung zuolna dingin Dan a hung pung a. Nisienlakhom suol a pungna taphotah lunginsietna khom a pung zuol sauh hlak" (Rom 5:20)

tiin Pathien lunginsietna tuipui lienzie a lo hril a.

(c) Isu Krista – intlan le sandam ei ni theina chauh:

Thi dinga Pathien trongsie phur ei nih. Ieng ti kong zawng khoma chu trongsiephur chu Pathien khoma a lakkir thei nawh. Lakir thei hrim a ti'm, Pathien chu a thu hril le a thu tiemah a ringum a, indik lo ngai lo le thutiem hlen hlak mi a nih. A mi lunginsietna a nasa si leiin Krista chun ei ta dingin trongsie chu phurin Dan trongsiea inthok chun a mi san suok tah (Gal 3:13).

Isu chu ei bawsietnahai leiin sukhumin a um a, thiem ei changna dingin keithoin a um. Mi pakhat bawsietna leia mi po poin thiemnaw an chang angin, mi pakhat thil fel thaw leiin mi po po thiemchangin an hring thei pha tah a nih. Ei intlanna khom thil se thei tangkaruo le rangkachaka intlan ni lo, beramte hmel hem lo le soisel bo, Krista thisen hlua intlan ei ni lem (1 Pet 1:18-19). Tangkaruo le rangkachak hai hin hringna an mi pek thei nawh. Thisen hlut dan hi ei ngaituo hlak

KUNIN IN HMANGAI RO

"Chuongchun zangaina ei hmu theina ding le, thrangpui ei ngai phaa thrangpuina le lunginsietna chu ei hmu theina dingin zangaina lalthrungpha chu huoi takin hnai ei tiu," (v. 16)

Tiem ding le ngaituo zom dingin: Hebrew 4:1-16

Tuhin Pathien mizie "lunginsietna" ti hi hei hril ei tih. Lunginsietna hi hmangaina leh hril kop an ni lai zingin inang vieu sien khom danglamna a um a nih. Welsh thuhrlitu pakhat chun hieng hin a tih an nawm: "Lunginsietna thumal hi 'kûn meta' hman chi a nih. Hmangaina hi chu ngirhmun innang hai leh hman thei a nih a, nisienlakhawm lunginsietna hi chu a kûn met pha mi a domkai hlak a nih." Hiengang bok hin lekha zietu pakhatin a ziek a, "Lunginsietna hi hmangaina mâwi lâi tak a nih, mi hmangai tlak lohain chungah thla lain, anni chu a siem mâwi hlak a nih." Thomas Goodwin khan hmangaina le lunginsietna a hrilfie hnê takin an lang: "Lunginsietna hi ngaidamna le hmangaina nêka nasa lem a nih. Hmangaina chungah, Pathien hmangaina,

chunghnungtakin a nuom ang anga mi a hmangai theina chu. Ngirhmun inang chu an inhmangai thei, chun mi chinin mi lien a hmangai thei, nisienlakhawm Chunghnungtak, a chunghnung leia a nuom nuom anga thawthei hmangaina chu a nih lunginsietna hi. Lunginsietna hi lalhai mizie anga hril hlak a nih. Lal chu a mihai chungah a lunginsietna a'n langtir thei a nih. Mipui hai ruok chun lal chungah an lunginsietna an suklang ve thei ngai nawh.

Lunginsietna chu an leh Pathien thratna, ngilneina, phulohai chungah inhlan, thratna nei lo mihai chungah thratna insuo, khura tlahai kei suok dinga ban pêk chu a nih. Baibul chun vân chungah khin chuong ang Pathien chu a lalthrungphaah an thrung a nih tiin a mi hril.

TRONGTAINA

Hmangaina le lunginsiet thei tak Pathien, i lunginsietna dongtu ka ni hi hre nâwk zuol thei dingin mi thrangpui rawh. Tuhin ka hriethiem chauh a ni a, hi nêka hre inthuk thei dingin mi thrangpui rawh. Isu Krista hmingin, Amen.

RORELNA DANGLAM LO

“I khingpui chu lampuia intlon lain rem vat rawh” (v. 25)

Tiem ding le ngaituo zom dingin: Matthai 5:21-26

Pathien lungsenna chu a’ndik zie hlak a nih tiin George Mac Donaldin a lo hril a. Roreltu chun rorelna indiktak a pêk dok ang hi a nih. Nunrawng taka rorel chu suol a nih, nisienlakhawm rorelna indik tak chu – a’ndik a nih. Pathien lungsenna hmutuhai chu an hmu ding ngei an hmu a nih. A chang chun nâ angin inlang sien khom an dik hlak a nih. Voisun ei châng thlanga hin thuvar indik tak a um. A khingtupa che annawleh hêktupa che chun rorelna hmaa a fepui hma chein ama le chun thu inrempui vat hlak ro. Rorel na hmaah in ngir hmain inbe ro. Ni khat sunga thaw dinghai chu thawin rêl fel ro. Suol man thung ding chu tlanhmang san thei a ni naw leiin lungin intangna dinga rorelna bêk chu tlanhmang san tum rawh. Hi taka a hril tum chu a tawpkhawk tlung hmain thil suk fel ding tina a nih. Pathien chun eini laka indikna a beisei a. Hi hi ei pumpel thei ding a ni nawh a,

pumpel tum chi khom a ni nawh. Nakie thawlui nêkin tu hin manin insiem thra ro a mi tina a nih.

Mi lungril indik mi chun rorelnaa thurelhai chu indikah a ngai a; lungril indik lo ruok chun rorelnaa thurelhai chu an pom nuom ngai nawh. Mi tamtak chu hi khawvela dan le dun hai khom hi hêlkhêl tumin a hêlkhêl dan um tlat ringin, hringnun an hmang tawl hi tie. Tlansûokna rêng rêng a um nawh. Indik taka bûknaa tling nuom si a Pathien rorelna Krawsa rorel ni si lo chu thil indik a ni nawh. Nuhmei le pasal tuel khom Isu Kristain an bathai a tlak pêk tahai chu vanram hausakna chu an chang an tah. Nisienlakhawm, an bat hai chu Kalvariah tlakpêk a nih. Ringnawtuhai ta ding chu rorelna hmaah la ngir an ta, chatuon intangna in tieng chu an la pan ding a ni si.

TRONGTAINA

Aw Pa, hi thu hi a ropuiin a’n dik a nih. Suol chu hrem naw ni nawng a tih. Krista chun ka bathai po po Krawsah a mi tlâk pêk leiin chatuona zalen ka lo ni tah. I hming chu inpak kumkhuoin um raw seh. Amen.

am aw? Mi pakhat hringna sanna dingin operation room-ah thisen lo poimaw ta sien, ei ngaihlut êm êm hlak, tangka le rangkachak hai hin thisen ai aw thei nawng an tih. Thisena khom, dinga hring chu a hlu lem dai a nih. Ei sandamna hi hremhmun pumpelna chauva hmang ding an naw a, rongbawl na ding khom a nih. Hlain “Rongbawl dinga sandam, thisena inchawkei ni tah” tia a hril angin Krista ta dinga hring hi ei rongbawl ve theina a nih. Setan hnuaia ei um lai khan ama rong ei bawl a, Krista hmangaina hnuaia ei um ta hnung hin chu Krista ta dinga hringa a rongbawl ding ei ni lem tah.

Tirko Paula hringnuna hin thil dang dang nekin Chanchin Thra

puongdarna dinga a thrahnemngaina ei hmu rawn tak. Ama chung a thil tlunghai kha Chanchin Thra sukdarna ding a lo ni ta lem hlauh a nizie thu a hril a. A hringnun hi ama nuom zawng le ditdana khal ding an nawzie hai hrein Krista chauvin thuneina a nei tâkzie hai ei hmuh. Krista ta dinga hring ei ti hin Krista’n a ngai poimaw tak, a zirtirhai a maksan tawma an kuomah a’n cha, “Khawvel po poah fe unla, thilsiem po po kuomah Chanchin Thra hril ro” ti hih a ni ngei dingin a’n lang. Tirko Paula khomin Chanchin Thra hril rong bawlin a hringna a’n hlan top a lo nih.

KRISTIEK KHAWVELA CHANCHIN LAWRKHAWM

Lung-in rongbawl na field-ah inchantir: South Sudana pastor pahni, Peter Yen le Michael Yat hai chu lung-in harsatna le thi dinga rel theina hmuna inthokin suk zalen an lo ni tah. Kum 2014 le 2015 lai khan entlatu, Islam sakhuo thuring inza lo, pawl le pawl kara intheidana tu le a ram danpui hmusit tia intumin lung-inah khum an lo nih. An intang hlima tang 3000 chuong an um ti an hriet khan “Hi hi ei rongbawl na field a nih” tiin lung-ina khumtuhai malsawmna a nih tiin an hril. Tirko Paula’n ka chung a thiltlunghai hi Chanchin Thra puongdarna ding a lo nih a ti ang deu kha a nih. An man truma ‘Muslimhai Kristienah in inlettir’ tia an intum khan Pastor Michael chun “Pastor ka nih a, ka fena taphota Chanchin Thra puongdar chu ka sin ding reng a nih” tiin a don. (Source: ChristianToday.com)

SCIENCE LE TULAI KHAWVEL

L Robert Varte

Hi khawvela thil um po po, nang le kei tiemsa in, ei reng hin computer simulated (computer hmanga siem fawm khawvel) game ah um lo ni in lang, eini chun chu chu game sungah um ei ni ti chu ei hriet kher da'l thei!

Hi ngaituona hi sap film pakhat, 'Matrix' le khan inang vieu a ni el khelah science dawnritlu (researcher) tam tak haiin 'Annual Isaac Asimov Memorial Debate', American Museum of Natural History-ah chun *scientific hypothesis* an putlut chu a nih.

Hi inkhawma moderator thrang Neil deGrasse Tyson, museum Director chun 50-50 chance-in hi thil hi tak tak khawm a nih el thei thu a hril lang a. A hril pei na a chun, "zawng le mihriem hin ei DNA chu 98% vel an ang ti ei hriet a, nisienlakhawm zawng le mihriem chu ei var danah nasa taka an thlau ang hin, khaw la'm a ni chu mihriem/hringna dang nei eini mihriem neka nasa taka var lem um thei a nih. Chu mipa hmaa chun ei ni mihriem chu zawng le mihriem inthlau ang hin mihriem le chu hringna neipa chu inthlau tak anni thei a nih. Chuong ang mi hma a chun mihriem hai hi chu, mi mawl le zer far der duol anga mi mawl ei nih el thei a nih. Chuong chu lo ni sien, ei hringnun le khawvel hmang po po hi thil

dangin a siem, eini control lo ning a tih."

Mihriem hi *computer simulation* sungah um ei nih ti ngaituona hung intranna chu 2003-a University of Oxford-a philosophy professor, Nick Bostrom-in Philosophical Quarterly-ah lekha a'n sua inthoka hung intran a nih. Kha lekhaa khan thil pathum umthei lai pakhat hi chuh an dik a nih, tiin.

i) (Posthumanperiod) "Mihriem hunbi hnung" hun ei tlung hmain tuta khawvela mihriem hi ei boral vong ding a nih.

ii) Mihriem nuhnung civilization lo um khom nisien tuta khawvel mihriemhai hung intran dan enna dingin *simulation* an siem ring a um nawh.

iii) *Computer simulation*-ah cheng ngei ei nih ring thei a nih.

Tulai scientist inlar, Dr Michio Kaku le scientist inthrungh khawm hai chun 50% chu hi khawvel hi

DIKNA

"Thutak fel naw taka dongtuhai, Pathien ngaisaknawna le felnawna po po chungah chun vâna inthokin Pathien lungsenna a hung inlang a nih," (v.18)

Tiem ding le ngaituo zom dingin: Rom 1:8-25

Mi tamtak hai chun lungsenna ti hin, mani insum zo lo, thil hmu sen vong, chapo leia lungna, annawleh mi thinsi hrilna ah ei hmang deu hlak a. Chuchu thil indiktak a ni kher nawh. Pathien lungsenna chu insumzo lo anni ngai naw a, lungril thlak mei mei ngailo, mani hlawkna dinga lungsen lo, hnâm umlo a ni hlak. Pathien chu lungsen awm phaa lungsen chauh hlak a nih. Mihriem ang an nawh, nuom pha pha annawleh awm lo rak raka lungsen ching mi a ni nawh. Mihriem lai khom awm hlei hleia lungsenna khom hi a um. Ka lo ring dan hlak chun mi ka chungah an lung a sen chun chu chu mihriem laka thra lo taka suolna ka tih a, chun mi chungah ka lung a sen chun indik taka lungsenna tiin ka lo ti

hlak kha indik lo tak a nih. Tuhin chu ka ti tah ngai nawh. Pathien lungawinawna po po hi thil indik a nih. Mi chungah thil thra naw tlung leia ka tuorpui leia lungna a nih, lungsen leiin mi chungah thil tlung leia lawm an nawh.

Anleh, suol le thra chu inang rongai ngai thei hi Pathien ei hmangai ei ti thei dim? Pathien chu suol dodal naw sien a felna a famkim zo dim? Teu lo ve. Hi suol dodalna tak hi a nih Baibulin Pathien lungsenna a hril khan a kawh hmu tum tak chuh. Pathienin thil thra le thra naw chu inang charin a ngai thei nawh. Suol khêl tieng a hmu thei - chuchu Krawsa ngaidamnaa chun a hmu a nih - nisienlakhawm a hmu threl thei nawh.

TRONGTAINA

Aw Lalpa, i lungsenna san ka hrietthiem po leh, a thil tum thienghlimna ka hmuin, inpak tlak le chawimawina ka'n hlân che. Pathien ropui le thilthawthei tak i lo ni ngei. Ka suolnahai chungah i mi en leiin ka lawm ngei. Amen.

PATHIEN REM TI LO NASA TAK CHUH

“LALPA dan chu an dit naw a . . . chuleiin, LALPA lung chu a mihai chungah ân thok a, a kut chu an chungah ân let a, a vuok a (v. 24-25)
Tiem ding le ngaituo zom dingin: Isai 5:18-25

Mihriem hin ei nuom dan nuom ve ding le eini mihriem ang ni ding hin Pathien hi ei ngaituo rop hlak a. A ni ngei, ama ang chun a mi siem ngei, chun eini khoma eini anga siem chu zuk pêk kir ei tum ve bok hlak a, chutak chu ei thaw suol hlak a nih. Chungtieng a’n thoka mihriem tieng nekin mihriem tieng a’n thokin chung tieng ei hang thlir a. Ei suolna le suolah tlu le pil ei nina hrefuk thrak lovin Pathien chu eini mihriem lungril ngairuotnain ei hang bel hlak a nih. Chuleichun, a lungsenna chu mihriem lungsenna ang ni ding dâm hin ei ring a. Chung tieng lungsenna hi mihriem lungsenna leh an ang naw a nih. Mihriem lungsenna chu phuba lâk, nunrâwng, mani hmasiel, umzie dukdak nei lo a ni laiin Pathien lungsenna chu umze nei tak, tluong, chun suol do tlat a nih. Ei theinghil lo ding chu Pathien lungsenna hin suol a theida tlat a nih. Theida tak meuvin a theida a nih. Eini ang an nawh, eini chun suol chu ei pom

zam el thei. Pathien chun a pom zam thei thrak nawh.

Zanita ei hril, Pathien lungsenna mizie kha Pathien mizie suk khemtu ni lovin amaah kha lungsenna mizie kha um naw sien chu, chu chu lem chu a nih a mizie suk khemtu ding lem chu. Pathien lungsenna chu mihriem chungah bat thungna, hremna annawleh ei thilthaw suol leia vuokna ei tuok a nih ti ei ring a nih chun ei la hrietthiem naw a nih. Chung tienga lungsenna hi phuba lâkna a ni naw a, chung tienga famkimna tieng siem thratna a ni lem. Chung tieng thienghlamna dinga siemthratna a ni angin, an dik leiin, Pathien a’n thoka sôok a nih.

Suol hi “Pathien thil pom thei lo pakhat” ti hila ziek a nih. Chu tak chuh ei lawmna ding a nih. A nauhai ei ni ang hin ei chungah ieng thil khom thil thra naw hrim hrim ei tuok a phal naw ei hrietna a hin lawm ding ei nih.

TRONGTAINA

Aw Pa, i lungsenna ka chungah hung tla hlak hi kei i mi theida lei ni lovin, keia kawp suol i theida lei a nih. Hi thuruk hi ka hriet phing leh ka lungril lawmnan a sip a nih. Amen.

simulated (computer hmanga siem fawm khawvel), *matrix* film ang deu khan ei khawvel hi siem a nih ti an ring a hin, ‘Matrix’ umzie chu mi tuin amani computer le mathematics dan le duong hmanga khawvel tehlem siem fawm tina a nih. Tulaia naupanghai computer games hi a tak a ang thei em em a. Mihriem le ran limhai khom tak tak ang elin an siem a. Entirna’n X box games, GTA Vice city ti hai ei en chun a lim hai hi a tak tak ang el an nih.

Tulaia scientists tam tak hai ring chu hihi a nih – ei khawvel hi mi var chungchuong annawleh midangin computer hmanga siem fawm (computer simulation) a nih tih hi. Geophilosophical Association of Anthropological and Cultural Studies-a an inthrong khawmna a chun hieng ang hin an hril a nih: “Thutlukna chu hi hi a nih. Ei khawvel hi mivar takin dan le duna a siem khawvela cheng ei nih.” Chu umzie chu, ringthei ngei dingin iemani *force* hin hi khawvela thil po po hi a *control* a nih.

Hieng lai zing hin computer game siemthiem mi pakhatin a hril dan chun hi thil hi thil awi um lo rapthlak a nih tiin a hril thung. “Computer simulation ka siem hin kha computer khawvela ‘mihriem’ hai khan chu takah an um le an hring a nih ti hrietna an neih ngai nawh a tih. Cartoon-a milemhai khom hin cartoon-a milem an nih ti an hriet

thei naw ang hin tiin a hrilfie. Hi pa hril pei na a chun, “Chu neka awm lem le ni thei lem thil chu hi hi a nih. Khawvel hi par huon (garden) ei ti ang hi a nih. Hi huona hringna hi thil ienmani tak chun a sie a nih.” Science mithiemhai khomin hieng tieng awn hin an ring tlangpui. Mathematics hmang chun hi khawvela hringna hi hringna nei lo thila inthok hung um el ti ring pawl chu an tlawm deu deu tiin a hril.

Hieng thil hi ka tiem in, kei le kei in ka lungril a chun, ‘Baibul hi tiem vong hai sien chu ei khawvel hi 100% simulated (siem) a nih ti thu hi hmu chieng ding an nih a (Genesis 1:1). Chu chu Baibulin hi khawvela inzin el ei ni thu (Hebrai 11:13; 1 Kronikul 29:15) a hril le nakie vanramah ei taksa thar le iengkim ei hriet chieng dan ding thu hai hin a suk chieng nawk suol a nih (2 Korinth 5:1-5) tiin. Tuta ei khawvel taksa hi khawvel a dingin an mil ang hin, nakie pha van taksa chu vanram leh inmil thlapa siem a nih. Taksa hmu thei le them thei ning a tih a, chun fe inlon thei ni bok a tih (Luka 24:39).

Nisienlakhom hi taka *simulation* hi chu Pathien *simulation*, Pathien thilthawtheina le thiemnaa siem a ni leiin mihriem lungril le varna chun ei la phak naw a nih. Mihriem lungril varna chung sui suok thei naw reng a tih. “Pathien thilthaw

dàn ka hmu suok a. Mi tu khomin nisa hnuoia thil um dân hi an man phâk nawh. Ieng anga beiin zong suok tum sienkhom, a umzie mihriemin hmu suok zo naw nih. Mi varin hre angin inhril sien khom, a umzie man phâk tak tak thei naw nih (Thuhriltu 8:17). Chu lei tak khom chun a nih 50% chauh proof thei anga an hrilna khom hi ka ngaidan chun, hi ngei hi a san a nih. Eini ringtu hai hi a dik taka chun mithiemhai khoma an la suisuok thei lo thil chu 100 % in ei lo hriet (thlarauvin) dai tah a nih!

Khawvel siema a um dana inthokin a tawp dân dîng po po le nakie chatuona thil lung dîng po po chu Baibula hin hmu dîng a um vong a nih. Khawvel le mihriemhai hi Genesis ei en chun Pathienin a siem vong ti leh khan enmil chun a’n dik tlap a nih. Khawvel tawp dîng thu khom Thupuon 20:7-10 ah ziek lang a nih a. Ei hang hril tah popo khaikhawm chun, khawvel mithiem le scientists tam tak haiin Baibul hi an hung proof pei a ni naw dîng? 100 % proof-na dîng chun hi khawvelin a nei thei lo, ringna nei a trul a ni leiin ringna naw chun proof zo thei an tih?

KRISTIEN KHAWVELA CHANCHIN LAWRKHAWM

Ui thiemhai bau khom Lalpa’n a suk chip: Egypt-mi muslim pakhat chu a ruolhaia inthok le Bible study a thawa inthok Isu chanchin a hung hriet pha a, Kristienah a’n let. Majed El Shafie-in a hringna Isu ta dîng a’n hlan hnung chun a ukil sinthaw khom an phal pek ta nawh. Cairo-a Abu Zaabel lung-in, a rinum leia Hnuoi Hremhmun tia vantlang hrieta chun an khum a. Chu taka chun Kristien danghai umna dawpdokna dîngin sukrinumna hrang hrang, meia raw dam, a taksa at pek dam le krawsa khitde dam a tuok hlak. Trum khat khom ui huoihai se hliem dîngin an hung thruoi a, sienkhom Daniel chanchina sakeibaknei haiin an bau an ka naw ang el khan uihai chu ama bulah an inthrong a, ieng khom an law nawh. Ui thiemhai hi an pu hai thu awi dîng a inthoktir le thunun an nih. A tawpa chun “Ringtu danghai hming ka hriet naw a chuh kan hotu hril ka ti cheu a, ama’n hril thei a ti cheu. Kan hotupa hming chu Isu Krista a nih” tiin a hril a. Chu phing chun nasa nawk zuolin an hrem a, a hliemna behai damdawi-ina inenkolina hnungah thi dîng a a chung thu rel a lo nih. Ruolhai thrangpuinain lung-ina inthok Israel ramah a tlan suok a, chu hnungah Canada-ah fein a rammia inziek lutin Kristien sukrinumhai ta dîngin rong a bawl zing an tah. El Shafie chun, “Ei hmelmahai hi an hrat a, an hmangruohai khom a thra taluo. Sienkhom eini’n lengkim Thawthei Lalpa ei nei. Anni chun beiseina neitu sukhlum thei hai sien khom tu khomin ei beiseina sukbo thein aw nih” tiin a hril. (Source: ChristianToday.com)

PATHIEN CHU HMEL KHEM LO

“Ka hmelmahai chungah phuba lang ka ta, A mi theidatuhai chu thung ka tih,” (v. 41)

Tiem dîng le ngaituo zom dîngin: Deut 32:36-47

Tuhin Pathien mizie pakhat, a thren chun Pathien mizie ni dîng a awm lo khom ei ti el thei, chu chu Pathien lungsenna hi a nih. ‘Pathien lungsenna’ ti thupui hmang hin pulpita hai sermon ngaithlâk dîng chu tulai a tam naw khop el. Baibula ruok chu hmu dîng a tam êm êm thung a nih A hmangaina, a zaidamna, a zaidawtheina hai nêk hmanin a lungsenna thu hi Baibulah a’n ziek rawn lem. Pathien mizie le a nina indiktak inthok dîng chun Pathien chu Hmangai Pathien chauh ni lovin Pathien lungsen hlak khom a nih ti hril a trul.

Ringna kongah ka tleirawl deu lai chun Pathien lungsenna tieng hril kai a ni pha, ka lungril sungril taka lungsenna iemani a um hlak a. Hi lungsenna mizie Pathienin a nei hih hnam rieuna ka nei tlat

a. Hi Pathien mizie hi hrethiem le pom chu intak ka tih vieu hlak. Nisienlakhawm hun iemani hnunga chun ka hung hriethiem tah a, a ni dân dîng taka ka hei hmu chun lawmnain ka sip lem tah. Pathienah ka lawmna a pungin Pathien ropuina chu a tharin ka hriet suok lem tah a nih.

W. Pink chun Pathien lungsennna chu thil inthiengnaw po po kum khawl tluongah hmupei naw na chungtienga thil thra naw laka siem thratna sin Thienghlimnan suol a do tlatna angin a ziek a. Pathien lungsenna hi a mizie sukmawinawtu annawleh a hmel suksetu a ni nawh. Lungsenna nei naw sien, chu chu lem chu a mizie sukkhemtu ning a tih.

TRONGTAINA

Pa, ieng kim tuok vong ka tih. Ka lungrilah thil um thei lovah ka ringhai khom. Nang chu thilmak thaw hlak Pathien i ni lai zingin Pathien lungsen hlak khom i nih ti mi’n hrietthiem tir dîngin ka ngen che. Amen.

A THEINGHIL THEI NAW

“Chun Isun an kuomah, “Pathien sin thaw chu hi hi a nih, a mi tir in ring hi” a ta, a don a” (v.29)

Tiem ding le ngaituo zom dingin: Johan 6:25-33.

Pathien hi inngat tlâk a ni lei le a ringum êm leiin Kristien lungril nun hi ringnaa inngat hringna a nih. Pathien kuoma chun hieng hin indon a nih kha: “Pathien sin kan thaw theina dingin ieng am thawng kan ta”, an ta. Pathien sin thaw dingin ieng sin am thawng i ta? A donna chu sakhuo dang dang zuitu hai donna le chun inang naw nûol a tih.

Entirnan, Buddhist chun, “Buddhisma dan lam pariet chu hraw kimin” ting a tih. Muslim sakhuo zuitu hei indon nâwk la, ama chun, “Bu ngheia trongtraia Mecca-ah inzin” ting a tih. Kristien a thren chun ni tin Baibul tiem le inchukna neiin sawmapakhat pe a, ringtu dang leh fellowship nei ti mei an tih. Nisienlakhawm, Isu Krista’n hieng ang hin a don - “Chun Isun an kuomah, “Pathien sin thaw chu hi hi a nih, a mi tir in ring hi” a ta, a don a.”

Ringna tienga inpezo mi, George Watson chun hieng hin a tih: “Ei hringnun bulpuia ringna inngat chu hringnuna lunginsietna sirbi poimaw tak a nih,” Pathien miziea

hin thil pakhat inlangsâr bik rieu a um a, chu thil chu ruolthratna nêk khoma a langsar a. A nih, a hmangaina, a varna annawleh a hrietna nêk hman khoma langsar a nih. Chu chu a ringumna hi a nih. Pathien ringumna chu Pathienin ama chung a ringna inngathai chungah a ringumna chu a nih (a ziektu pa trongbau). Pathien ringumna ei hrietthiem chieng po leh hi khawvela beidongna, tritna le thlaphângna a’n thokin a mi sandam hlak a nih. Hi khawvel leia i la buoi a ni chun Pathien ringumna chu i suk nêp ni lem a tih.

Zawlnei putar pakhat chu a thi tawmin Pathien thutiem a hriet suok thei naw leiin a bei a dong deu hlek a. Pastor chun, “Pathienin a theinghil i ring am a nih?” a hei tih chun putar chu innui seuvin, “Teu lo ve, theinghil nawn a tih” tiin a don. Chuchu a nih eini khom ei ngir nget ngamna ding chuh. Theinghil nawn a tih, asan chu Pathien a ni tlat leiin, a theinghil thei nawh.

TRONGTAINA

Aw Lalpa, Pa, nangmaa ringumna chu keinia ringna ang hi nisien, chu ringna chu nangmaa ringumna leh an inangna hmuna chun mi thruoi rawh. Chu hmun chu kan la tlung nawh, nisienlakhawm tlung kar kan nghakhla ngei. Mi thrangpui rawh. Isu hmingin kan hni che, Amen.

Hreputu: Sep-Oct 2016

EI PATHIEN RINGUM

“Pathien ringum, ama hmangaia a thu zawmtu chung a suon sâng chena thuthlung le lunginsietna inngat zinga” (v.9)

Tiem ding le ngaituo zom dingin: Deut. 7:7-20.

Tuhin Pathien mizie dang nâwk - a ringumna tieng hei hril ei tih. Pathien chu iengkim a hril le a thaw taphotah a ringum a nih. Tulai khawvel se taka hin Pathien, mi thlathlam ngailo, mi maksan ngailo, ringum, a thu inkhêl ngailo ei nei hi ei va hamthra ngei.

Unâu, in nupa kârah ringum nawn leiin harsatna i tuok am? Annawleh i chungah mi an ringum naw leiin lungrilna ngâwi ngâwia um i ni am? Mihriem lungril hi a ringum nawzie ei hriet suok pha hin lungngai um thlak tak a ni hlak. Eini ngei khom, ei lungril ei inen thrat a trul a nih. Mi tuel khom hi ringum nawn suola inthok hin a fihlim ei um ring a um nawh.

Midang le in thutiemna karah annawleh in nupa kara thutiem

êm sukse naw inla khom Krista chungah suksuol i ni tlat a nih. Eini a var le ro a mi pêk enkolna dinga hai bêk hin ei suksuol hlak a nih.

Chuleiin, voisuna châng thlanga hin Pathien iengkima ringum le ieng tik lai khoma ringum hlak tieng ei en chun a va hadam thlak awm ngei. Eini chu ringum naw hlak inla khom ama chu a ringum zing hlak sih a. Pathien ringumna ka ringhla pha pha leh ka tleirawl laia hla pakhat lungrilah hung inlang vang vang chuh:

A hlawsam thei nawh, Pathien a ni leiin,

A hlawsam thei nawh, A thu a tiem ta chu

A hlawsam thei nawh, Ama’n thrangpui a che

A hlawsam thei nawh, Aman don a che.

TRONGTRAINA

Mi ngilnei le hmangainaa sip Pathien, ka thlarauvin hi thu hi a hriet leiin a va ropui ka tih ngei. Thil iengkim hi Pathienin a thaw thei a, sienkhom thil pakhat a thaw thei thrak naw a um a nih. Chu chu, eini mi’n hlawsamtir hi a nih. Hi thutak hi nitina ka hringna lamtluonga ka kalpen thruoitu ni rop raw seh. Amen.

Hreputu: Sep-Oct 2016

HHRIET TRULNA

Ei beisei thuhring hi an hning nawna dingin pom tlat ei tiu. Thutiemtu chu ring a um si a.” (v.23)

Tiem ding le ngaituo zawm dingin: Heb 10:19-31

Baibul hi Pathien ringumzie inziekna lekhabu indik tak a nih. Kum 4000 hma daih khan hnuoi um sung po po chu butu le busik le, khaw dei le khaw lum dâm, nipui le thlasik dâm, sun le zan dâm chu bo naw nih (Gen 8:22). Kum tin el hin a tharin Pathien chu a thu hril a’n khêl thrak naw a nih. Gen 15:13-14a chun Pathienin Abraham kha hieng ang hin a hril anni kha “I thlahai chu anni ram ni lovah mikhuolin la um an ta, an rong bawl pêk an tih ti chieng takin hre raw khai. Chun kum za li sukrinum an ta; chun chu hnungah chun sum tam tak nein la hung suok an tih,” Chuong ang chun thil a um am? (Ex 12:41).

Zawlnei Isai khan nunghak thienghlim chun nau von a ta, a hming chu Immanuel tih ning a tih tiin Isai 7:14 ah khan a ziek a nih

TRONGTAINA

Ngilneia mi hmangaitu Pa, i mizie le nunchang ka hriet rawn po leh, nang hriet zuol che ka nuom. Hieng ka thil hmu tranhai hin ka thlarau a chok phur a, nang chu inthuktaka hrethei dingin mi thruoi raw. Isu Krista hmingin ka ngen che. Amen.

kha. Kum tam tak hnungin kha thu kha a hung indik a ni kha (Gal 4:4) ei tiem a.

Hun tam tak nei lang chu Baibula Pathien ringumzie hrilna hai po po chu hei kawh hmu che ka nuom ngei. Nisienlakhawm, nang khom Baibul i nei an nawm, a phekhai chu tiem le ngaituo zom rawh, unau. Pathien hre dingin Baibul hi tiem rawh. A bikin, tulai thrangthar lai ringum nawna khawvela cheng mêk hai lai hin, Pathien ringumzie ei hriet chieng nawk zuol a poimaw êm êm a nih. Amaah ei ringna le ei ngampatna chu a ringumna lei a nih. Chuleichun annawm, Baibul chu hi thutakin a sipna san hi. Pathien thutak ei pai rawn po leh hmatieng ei lam hrawna dinga ei inring lâwk thra thei lemna ding a nih.

THUTIEMA NGIR

“Chuong zara chun a thutiem hlutak le ropui nasa tak hai chu a mi pêk a nih.”(v.4)

Tiem ding le ngaituo zom dingin: 2 Pet 1:1-11

Pathien ringumna hi Baibula a’n ziek ang ang pom chu thil pakhat a nih a, chun ieng tinam ei laklut chu thil dang dai a ni thung. Pathien hin

thutiem thra le ropui tam tak a mi pêk a, nisienlakhom tulai khawvela dingin sukputling thei vong beisei chi an nih am?

Pathien chu a thutiem ni lo a mi pek ding beisiena lakah ei fimkhur a ngai. Ringtu tam tak chu Pathien thu a ngiel a ngana la a, Pathien “thutiem” anga ngai a, Pathienin hung thaw ngei ngei a tih ti beiseina neiin an hringnun an hmang hlak. Hieng anga ngai hlak mi lungril na tam tak an um ka hriet tah. Nupui pakhat chun Thilthawhai 16:31-ah “Lalpa Isu ring la, sandamin um i tih, nang le i sunghai leh” ti kha Pathien thutiem angin a lo lâk a. A pasal le a naupa sandamna chang lova an thi khan a lungrilna êm êmin a um

a nih. Kha nupui kuoma ka hril chu, Pathien sandam ni nuom nawtu chu Pathien khoma a sandam thei lêm. Chun Paula le Silain kha thu kha Filipi lungin nghaktupa suongkuo ta dinga an hril an nawm, mi dang ta ding ni lovin.

Baibula hin thutiem tam tak a um a. Mi pakhat hril dan chun thutiem 3000 chuong zet a um. “Ieng tik khom thlathlam top naw nîng cheng, mâk khom mâksan naw ning che” (Heb 13:5) hi a thutiem pakhat a nih. Kum za khom dam ding ni la, a hun tawk vieu naw maw? Nisienlakhawm ei fimkhur a trl a nih. Thutiem tlangpui annawleh thutiem bik tak hriet hran thiem a poimaw êm êm a nih.

TRONGTAINA

Pa, thutak tieng mi thruoi dingin i thutiem ka nei a, chuleiin nang ringsanin thutiem indiktak hre hran thei dingin warna lungril keia hin mi siempêk rawh. Isu Krista hmingin, Amen.